

libito conferre, dum tamen Provincialis eiusdem Provinciae Commendatorem prius non elegerit. Unde inter ipsos super hoc in praedicto casu praevencionis iura constituimus. Similiter in Provincia, cui Magistrum adesse contigerit; si Diffinitorium Provinciae habendum sit illud convocare potest, & ei pariter praesidere, atque habere suffragium in electione Prioris Barchinonensis, si electionis tempore in ea domo fuerit inventus, non dissimilem potestatem habere decernimus ut convocet, & praesideat, pariterque vocem habeat.

6. Ad Magistrum quoque private attinet sententiam expulsionis ferre iudice in criminosos, incorrigibiles ea forma, quam superius declaravimus.

7. Item Magister Generalis debet apud se habere duo sigilla, videlicet magnum, & parvum, in quorum primo sit incisa Imago revelationis Ordinis cum eiusdem scuto, & stemmatibus istoque versiculo; per lumbum: *Redemptionem misit Dominus Populo suo*. In secundo autem sint tantum praedicta Religionis stemmata, quo ut vere minori utatur in rebus minoribus, illo vero in maioribus tantum, quae pro rei maiestate sic possulant ad perpetuamque rei memoriam subjiciuntur, ut in fine omnium literarum suarum, seu scripturarum testimonialium anno Domini, apponat etiam annum suadationis Ordinis his verbis. *A descensu vero, & apparitione Beatissima, & Immaculatae Virginis Mariae ad Fundationem nostri Ordinis anno N.*, quam pariter ab universis aliis Praelatis observari praecipimus, ut antiqua Ordinis consuetudo ab ipsius limine inducta non pereat, tantaeque Matris dignationi istud, vel levissimum obsequium deferamus.

8. Magister Generalis potest ulterius praesidere Capitulis Generalibus, & Provincialibus per se ipsum, vel suum Vicarium ad id ab eo specialiter deputatum, & vocem quidem habeat, tam ipse, quam eius Vicarius in omnibus electionibus, ordinationibus, & Diffinitoriis, usque ad absolutionem utriusque Capituli.

9. Properante jam tempore electionis Provincialis, poterit ipse Magister convocare ad celebrationem Capituli Provincialis, mittendo immediate suas literas ipsi Provinciali, qui illas continuo manifestet Capitulariter Conventui ubi adesse contigerit; ipsas vero deinde mittat illico ad omnes alios Conventus, ut cunctis vocalibus innotescant.

10. Ulterius in concurrentia Capitulorum Provincialium potest Magister quodlibet eorum antepone, vel postponere per tres menses, a complemento triennii, ut uni, & alteri interesse possit, dummodo nullum a die Sabbati distrahatur. Quod etiam praestare valeat, quamvis non sit concurrentia Capitulorum, sed unicuique dumtaxat celebrandum, si alioquin sibi visum fuerit expedire. Ultra tamen dictos tres menses non possit Magister Generalis Capitula Provincialia antepone, nec postponere.

11. Adhuc ad Magistrum pertinebit, ut vere Ordinis Patrem si praesens fuerit electionibus electores dirigere, eos modeste, pie, & religiose monendo, hortando, & instruendo, atque etiam vage suadendo ad eligendum personam digniorum, & magis idoneam ipsius, ut cumque virtutes regimini necessarias Capituli differendo. Si autem non interfuerit id ipsum per literas ad

Capitulum, seu electores missas eadem charitate, quae nunquam agit perperam praestare licebit.

12. Quod si Electores in Provinciali Capitulo congregati intra tres dies a primo exclusive ad electionem designatam de persona eligenda non convenerint, vel electio non sit facta juxta Sacros Canones, Constitutiones, & Decreta Ordinis, atque adeo sit iure cassanda, tunc jus eligendi Provinciale devolvitur in Magistrum, qui illum confestim eligere teneatur.

13. Magister Generalis debet etiam confirmare electionem Vicarii Generalis nostrae recollectionis (si fuerit Canonica) intra dies 15. a primo praesentationis & Patres praedictae familiae intra tres menses a die electionis tenentur praesentare illam Magistro Generali pro eius confirmatione obtinenda ex concordia inter utramque familiam a Gregorio XV. confirmata.

14. Similiter debet electiones Provincialium rite factas confirmare, vel defectum earum ostendere, atque etiam Prioris Barchinonensis si sit quoque Canonice celebrata, in qua tamen si Conventuales de persona eligenda non convenerint intra mensem jus eligendi devolvitur in Generalem Magistrum, qui Vicarios Provinciales in quibusdam casibus inferius cap. 15. hujus dist. exprimentis creare possit sicuti, & in Provincia, quae ob Provincialis decessum regitur per Vicarium Provinciale ab eo relicto designare Vicarium Generalem, quem pro nulla extra hunc casum Provincia nominare valeat. Hinc tamen excipimus Hispaniae, Galliae, Italiaeque Provincias. Dicto namque Magistro in Hispania residenti potestatem facimus, ut pro Gallia, & Italia Vicarios Generales instituat. Dum vero in Gallia commoretur, vel Italia eandem facultatem habeat ad eligendum Vicarium Generalem pro Hispania.

15. Licet jure Constitutionis pristinae Magister Generalis de aliquibus dispensare possit cum Fratribus, illis interdum concedendo nonnullas exemptiones, gratias, & immunitates, nihilominus tamen quia plura, & ingentia damna ex hac liberalitate provenire compertum est, eam in posterum praedicto Magistro interdiximus, eique solum permittimus declarare Fratres aliquos illis immunitatibus, & exemptionibus gaudere, quae solent appellari reales, & quibus ratione officii, gradus, vel antiquitatis, quadraginta annorum in ordine gaudere possunt juxta Constitutiones hujusmodi, & Decreta Pontificum, seu Capitulorum Generalium.

16. Pro expensis autem sui muneris, & pro vestitiis, aliisque sumptibus Ordinis singulae Provinciae teneantur singulis annis praefato Magistro persolvere eam pecuniarum quantitatem, quae pro earum diversitate, & facultate fuerit a consuetudine stabilita cum approbatione Generalis Capituli, ita tamen ut si plus, si minus nulla Provincia, vel etiam Congregatio, seu vice Provincia excludatur a solutione praedicta.

17. Sciat autem Magister Generalis, quod circa hujusmodi Religionis bona meram ei tantum administrationis potestatem concedimus intra Ordinem supra iis quae ad bonum Ordinis spectant, eaque ideo ut communia, non vero, ut privata respiciat; nullaque insuper ratione, aut praetextu, bona Provincialibus, Commendato-

atoribus, aut quibuscumque Fratribus ad usum concessa sibi quomodolibet determinet, vel assumat. Imo reddituum omnium oppidi de Algar, & quarumcumque contributionum, tam pro vestitiis praedictis, quam alioquin sibi concessarum in Capitulo Generali proximo futuro, vel si ante illud deserat officium Provinciali, & Diffinitorio Provinciae, ubi repertus fuerit rationem reddere teneatur, ita ut animalia, quae officio deseruiunt cum pecuniis, aliisque rebus ad illud pertinentibus, iisque post redditum rationem supervenerint novo Magistro electo resignet pro usibus sui muneris, vel dicto Provinciali, & Diffinitorio tradat, qui ea Magistro eligendo custodiant.

18. Super omnia vero ipsius interest pro viribus laborare, ut in omnibus redemptio Captivorum ferventer exerceatur a Fratribus, eisque elemosynae omni studio colligantur, fideliterque serventur, ita videlicet, ut suis temporibus sic omnes integrae fidelium liberationi proficiant, quod nulla ratione, aut praetextu cujuscumque privilegii aliquam, vel minimam partem aliis, quibuscumque usibus applicet, seu applicari permittat.

19. Qua de re omnem ignorantiam propellere desiderantes ipsi Magistro, ut universis Praelatis Ordinis, eisque Fratribus strictissime, & sub excommunicationis sententia ipso facto incurrenda praecipimus, ut enixe observent & observare faciant Decretum, & statutum editum in Capitulo Generali Barchinonae anno 1520. ob aliquorumque ignorantiam, aut dubia saepe in succedentibus confirmatum, & expresse declaratum, pro ut nunc expresse reproducimus, & declaramus circa renuntiationem, seu potius non admissionem cujusdam tunc recentis Bullae Sanctissimi Leonis X. de anno 1516. & ejusdem confirmationis a Clemente VII. de anno 1525. quantum ad usum bonorum Redemptionis indifferentium, ita ut quaecumque ab ipsis concessa facultas praedicto Magistro, vel Ordini circa distractionem alicujus partis illorum nunquam censetur admitti, imo quam primum, & saepius, ut praedicitur ab ipsis Magistro, & Ordine renunciata, neque tunc in eius praesentatione, aut aliquando suscepta, sicut eam, ut talem nunc iterum declaramus, & juxta pristinam Constitutionem nostram nullatenus a praefato Magistro, vel quibuscumque aliis exequendam sub praedictis poenis, & omnibus aliis superius dist. 2. cap. 3. latis ubi cuncta circa praedictas elemosynas non alio distrahendas prohibita juxta praesentem declarationem, & Decreta superius memorata esse, & fuisse semper intelligenda denunciamus.

20. Pro his ergo Magister debet impensius omnia quantum liceat impedimenta superare, ut Capitulo Generali, ac etiam Provincialibus semper intersit, ubi praedictis maxime, & aliis, quae ad bonum Ordinis attinent ad oculum valeat providere, ne gregibus sibi traditis propter sui absentiam in Capitulis minus diligenter a reliquis eorum pastoribus consulatur.

21. Ulterius Provincis magis desolatis, vel minus sibi sufficientibus debet esse favorabilior in concedendis Fratribus idoneis, & utilibus, siue ad legendum, siue ad predicandum, siue ad alia Ordinis obeunda negotia, juxta utilitatem Ordinis, aut Fratrum transferendorum, vel etiam Provinciae, a qua, vel ad quam translatio hu-

jusmodi fuerit facienda; nunquam tamen sub hujus facultatis praetextu Fratrem aliquem traducat de vocalibus unius Provinciae in aliam, intra duos menses ante Capitulum Provinciale, illius a qua dimittitur. Quod nec alio tempore faciat, nisi rationabiliter urgeat. Contentiones quoque (si quae fuerint inter Provincias) debet prudenter dirimere, & a mutuis eas injuriis, & vexationibus praeservare.

22. Magistri Generales post impletum officium maneat ipso facto Magistri de numero in qualibet totius Ordinis Provincia, ubi reperiantur in omnibus Capitulis, tam Generalibus, quam Provincialibus, eorumque Diffinitoriis extra, vel intra Capitulum celebrandis vocem habeant decisivam & electivam in omnibus, honorem paternitatis reverentissimae non amittant, post Praelatum Conventus locum semper obtinent immediatum, ubicumque voluerint Conventualitatem possunt eligere de licentia Magistrum, & ibidem socium penitus ab omni Conventus onere liberum illis dare praecipimus, in reliquis gaudent omnibus privilegiis, & exemptionibus quibuscumque aliis a Constitutione concessis, ita ut juxta supremam dignitatem praeteritam amplior eis honor deferatur in singulis.

## CAPUT VI.

*De successione in Vicarium Generalem Ordinis vacante sede Magistri, & de potestate illius*

1. Ut haec successio clarior in singulis eventibus statuatur primo & ante omnia decernimus Magistrum Generalem posse ubique, & quovis tempore renunciare Magistratum per se, vel Procuratorem, eorum tamen Provinciali, & electoribus. ac Diffinitoribus Generalibus ejus Provinciae cui adesse contigerit. Qua renuntiatione facta, & authentico testimonio per secretarium Ordinis attestata, ex tunc protinus sedem Magistri vacare, & ad illum, qui jure harum Constitutionum sit Vicarius Generalis in Ordine, totum ejus regimen devolvi, perpetuo stabilimus. Cum autem Magister Generalis ad aliquam Ecclesiam, seu Episcopatum eveniat promovendi, non statim sedes Magistri vacua censetur, nec successorem ad officium Vicarii Generalis vocatum illud posse confestim assumere, quousque de praconizatione in Consistorio Romano, & confirmatione a SS. authentico liqueat testimonio.

2. Adhuc sedes Magistri vacare potest, vel per decessum, privationem, aliasve causas de jure praemissas, quacumque autem eveniente, sic successorem ejus constituimus: Cum Prior nostri Conventus Barchinonensis, siue sit confirmatus, siue non confirmatus semper esse debeat caput, & Vicarius Generalis totius Ordinis, quoties Magistro videtur, & sedes vere vacaverit: id circo decernimus, ut quacumque ex praedictis causis vacare contigerit, Commendator domus, ubi evenerit (si tamen Provincialis ejus Provinciae non adsit, cui praesenti actionem istam deferimus) nuntium specialem auctoritate & industria praesentem instituat cum authentico testimonio a Secretario deficientis Magistri recepto de veritate, & causa vacantis, & illum primo mittat ad praefatum Priorem Barchinonensem, ut illud ipsi, siquoque Conventui notum faciat, ac nomine totius Ordinis in successionem inducat.

prædicti quinquennii; modo habeat aliunde omnia requisita juxta Constitutiones Ordinis, & Decreta Apostolica ad Magisterium de iustitia obtinendum, quod si prædictis qualitatibus fuerit defuitus, locum habeat immediatum omnibus Magistris de numero, & si denique ante finitum etiam præfatum quinquennium factus sit Magister de numero, maneat post procuracionem cum gratis, exemptionibus, & loco eorum, qui fuerint Provinciales, sine præcedentia tamen ad omnes, qui tunc, vel postea ex Provinciales extiterint.

5. Etiam prædictum Procuratorem Generalem, per totum Ordinem constituamus in Urbe per hoc tamen non tollimus, quod si Generalis extiterit ex Provinciis sub alternativa Coronæ Castellæ collocatis, aut viceversa Aragoniæ omnes, aut singula Provincie alternative contraria possint pro se alterum Procuratorem in Diffinitorio Provinciali intra, vel extra Capitulum eligere, & propriis expensis mittere dum tamen in rebus obedientiæ, & Regularis disciplinæ sit subditus Commendatori Romæ nostri Ordinis, Vicarioque Generali Italiæ, observatis in omnibus nostri præfati Ordinis Constitutionibus, & statutis.

6. Præter Procuratorem Generalem in Curia Romana eadem forma eligantur, & designentur Procuratores Generales totius Ordinis, quibus de facto sit opus in Regum Curis, tam pro rebus ipsius Ordinis, quam pro redemptione generatim. Et quia extra Capitulum idipsum contingere potest, ita ut in aliqua regum Curia oporteat pro prædictis rebus totius Ordinis, & redemptionis aliquem Procuratorem Generalem noviter institui, vel jam institutum removere, aut privari, & in ejus locum alium subrogari, hæc potestas relinquatur Magistro, cujus nominationem deinceps ratam habere volumus, & omnes ab eo nominatos in veros Procuratores redemptionis, & Ordinis respectivo, & pro de jure opus fuerit constituimus. cum omni potestate, legitimæque facultatis plenitudine, acsi creati essent a toto Capitulo, vel Diffinitorio Generali.

7. Ipsorum quidem sit muneris ea omnia subire, & versare negotia, quæ ad Senatus, Tribunalia, vel Judices ejus Curia, in qua respectivo fuerint, pertinere videantur, tam pro redemptione, quam Ordine. Qui autem hoc munere funguntur, si non fuerint graduati ex eo solum vocem electivam habeant in Provinciali Capitulo suæ Provincie, & in Ordine sedendi post omnes quomodolibet graduatos locum immediatum obtinebunt. Quod si gradum aliquem habuerint, ejus antiquitatem servabunt juxta ejus confirmationem a Magistro. At vero inter se ipsos si aliunde fuerint æquales semper alterum in loco vincat, qui redemptionem procuraverit etiam si fuerit professione posterior.

## CAPUT II.

*De electione Domus Capitularis generalis Capituli, ejusdemque absolute.*

1. Domum Capitularem pro futuro immediato Capitulo generali per veram electionem omnium vocalium alternativam designari præcipimus, ita videlicet, ut si Generalis electus sit ex Provinciis alternativam Coronæ Aragonæ,

Galliæ, & Italiæ constituentibus, Domus Capitularis eligatur ex aliqua Provinciarum præfate alternativæ, & pariter si Magister fuerit electus ex Provinciis ad alternativam Coronæ Castellæ, Portugalliæ, atque Indiarum adjacentibus, etiam domus Capitularis immediate futura in aliqua ex hujusmodi Provinciis designetur, ita ut electio Magistris immediate futura semper fiat in aliqua Provinciarum, quæ non sunt habituræ vicem, & alternationem. Eam vero sic designatam a Capitulo nullatenus Magistro, nec ejus Vicario mutare liceat, nisi cum instante celebratione Capituli Generalis fuerit impedita peste, aut bello, sive alia causa simili.

2. Ubicumque autem hæc domus assignetur, Electores provideant, ut locus sit salubris, & quantum fieri possit vocalibus cunctis accommodus, & non profusus sumptibus accessibilis, nullaque libertati vocalium ratione suspectus, ita ut jura canonice electionis inde violari non possint, neque annullationis, sive infractionis periculum ex hac parte timeatur.

3. Ad hanc autem Domum tempore Capituli, omnes Fratres, qui vocales non sint, vel ex munere teneantur omnino accedere, prohibemus: quod ut inviolabiliter observetur, reproducimus Decretum Capituli Generalis Operentis a Sano Innocentio XI. confirmatum, etiam aliquo paulo ante memoratum quoad vitanda magna, & intolerabilia dispendia, quæ fieri possunt in hujusmodi accessibus, & stationibus in Domo tam Capituli Generalis quam Provincialis per aliquos Religiosos qui neque sunt vocales, nec de corpore Capituli, nec aliquem in eo habent actum, illis strictissime præcipitur sub poena excommunicationis majoris late sententiæ trina canonice monitione præmissa ipso facto incurrendæ, & sub poena privationis vocis activæ, & passivæ in perpetuum, & utraque irremissibiliter subeunda, & nullus Frater cujuscumque gradus, aut qualitates extiterit adire, vel ingredi præsumat Domum Capitularem, neque Civitatem, aut locum cujuscumque Capituli, nisi sit de corpore ipsius, & cum voce, & actu aliquo in illo, vel de licentia in scriptis a Generali Magistro, vel ejus gerente personam expedita.

4. Cum autem prope diem Capituli vocales jam conveniunt, eos statim in illam ingredi præcipimus, ne indecore per diversoria cursitent, aut morentur incommode. Ingressi, tam de suis Viaticis solvant Conventui victum, donec expensæ Capitulares incipiant. Nimis autem properare, aut valde immature Domum prædictam ingredi omnino interdicitur sub poena gravioris culpæ, nisi de licentia Magistris, vel Præsidis.

5. Conclusis jam electionibus, ac Decretis prædicti Diffinitorii Generalis totum congregetur Capitulum cui Præses orationem brevem, pia tamen gravitate fluentem instituat, quam omnes ad Regularem Disciplinam severius observandam hortetur, ac deinde omnia Diffinitorii Generalis Decreta, una cum S. Inquisitionis edicto legi, & publicari faciat, & tandem ad absoluteionem Capituli forma cap. 18. hujus dist. subjienda procedat.

## CAPUT XIII.

*De electione Sociorum Magistris Generalis.*

1. Cum ita officio postulante duos sibi Socios debeat Magister assumere illi omni studio consulimus, ut eos semper eligat morum suavitate præditos, Deum timentes, Ordinis Zelatores, discretione ornatos, religiosaque, & amabili conversatione benignos, & nihil aliud de ipsis, & suo munere querat, nisi solam Ordinis utilitatem.

2. Illorum sit officium ea, quæ viderint, vel audierint in Ordine corrigenda, vel pro illius majori bono disponenda Magistro prudenter aperire, illaque præsertim quæ ad redemptionem Captivorum attinent ad memoriam revocare. Si qua vero Ordinis secreta ipsis crediderit sub dicto silentio continent.

3. Ex his autem Sociis unus ad minus debet esse Secretarius, & in Epistolarum arte disertus qui magis laboret in notando sententiis, & breviter quam sermonem turgidum, & verba sublimia. Debet etiam Ordinis sigilla apud se retinere, literas signare, & pertinentia ad hæc in promptu habere, librosque Magistris, & Ordinis custodire, ad quod munus exercendum in Magistris manibus faciat juramentum contracto suis Evangelio in hanc formam, dicat enim Magister: Juras in animæ tuæ periculum, quod eris fidelis in omnibus, & quæ pro bono Ordinis, tam in ejus visitationibus, quam universo regimine fuerint tibi credita, retinebis, & secundum Deum, & propriam conscientiam tuum munus in omnibus exequeris? Secretarius respondeat: Juro. Alter vero Socius vir sane debet esse totius consilii, literis, & auctoritate præstans, quem possit Magister de gravibus, arduisque rebus consulere, sibi que adiutorem adhibere, atque illi interdum si expedit aliqua sui muneris agenda committere.

4. Dum hujusmodi Socii funguntur hoc munere solius Magistris obedientiam subeunt, & nulli alteri Prelato subduntur. In ordine sedendi Magistris omnibus eminent, & eos tantummodo Exprovinciales præcedunt, & qui talium honore jure harum Constitutionum sunt affecti. Cum autem ab officio recesserint si per tres annos illud obierint maneat cum gratis, & honoribus Exprovincialibus debitis dempto loco dumtaxat. Socios vero Magistris quos ad honorem dicimus, sic jam in posterum desistimus, ut nullam ulterius eorum electionem in omnibus Provinciis permittamus, nisi tantum eorum, quos Magister in exercitio constituit, ut sibi continuo adhaereant.

## CAPUT XIII.

*De loco, tempore, convocacione, & Præside Capituli Provincialis.*

1. Ordinatis jam superius, quæ pertinent ad Capitulum Generale, occurrit statim Capitulum Provinciale eadem forma, & distributione ordinatum. Quoad locum ergo celebrationis ejus semper in ea Domo fieri constituimus, quæ in præcedenti Capitulo designata fuit a Diffinitorio Provinciali, vel in suis casibus a Magistro, ut infra Cap. 17. hujus Dist. statuitur.

2. Nulli penitus Ordinis Fratri hæc Domum Capitularem, aut locum ejus adire, ne-

que intrare liceat, sine ministerio, vel voce, aut sine licentia in scriptis Magistris, vel Provincialis, aut alioquin Præsidis a Capitulo admitti sub poenis in hac Dist. Cap. 11. latissaciterum quicunque facultatem habeat mittendi ad Capitulum, & scribendi literas ad Præsidem Provinciale, & Diffinitores circa ea, quæ ad statum Domus Provincie, seu Ordinis expedire judicaverit, modo veritatem profiteatur. Quod si contrarium repperit fuerit, poena gravioris culpæ puniatur.

3. Quantum vero ad tempus prædicti Capituli semper illud Sabbato ante Dominicam in Cantate fieri constituimus, nisi per Magistrum Generalem propter concursum plurium Capitulorum, aut aliam rationabilem causam transferatur, vel anteponatur, juxta facultatem sibi concessam, & superius in hac Dist. Cap. 5. declaratam.

4. Provincialis officium tribus præcise annis concluditur a Sabbato in Sabbatum prædictæ Dominicæ regulariter computandis; ita scilicet ut triennium, non quidem naturalibus, sed annis Ecclesiasticis constituatur: unde si ratione facultatis præmissæ anteponendi Capitula præcedens celebratum sit diebus aliquot ante, & post prædictum Sabbatum, non ideo Capitulum subsequens eadem die præcedentis celebrandum est, sed ad Sabbatum præfate Dominicæ in Cantate redire debet.

5. Attamen ab his legibus omnes Provincias Indiarum excludimus, quas propter vastitatem Regionum, Climatumque varietatem suæ consuetudini hætenus ab Ordine, jam probatè relinquimus; ita tamen ut Sabbatum Capitulare, in qualibet earum, & quovis anni tempore, respectivo designatum sit semper initium, & consummatio triennii, & terminus pariter unde sumatur facultas protrahendi, seu anticipandi Capitula cum Vicariis Generalibus, si id aliquando expedire videatur, & specialem ad hoc facultatem habuerint a Magistro.

6. Si autem contingat impleri triennium vacante Sede Magistris celebratio Capituli Provincialis prorogabitur in Dominicam in Cantate immediate futuram, post Capituli Generalis celebrationem, ut Ordo Magistratu quovis modo vacante in eodem penitus statu consistat usque ad electionem Magistris.

7. Circa vocationem prædicti Capituli discernimus, ut properante ejus tempore possit Magister Generalis convocare ad ejus celebrationem per literas patentes mittendo eas immediate Provinciali, quas ille continuo manifestabit, & notas faciet pleno Capitulo illius Conventus ubi adesse contigerit, & inde ad omnes alios transmittet. Si autem Magister Generalis reperitur in aliquo Conventu illius Provincie, ubi habendum sit Capitulum prædictæ literæ convocatorie prius notificari poterunt capitulariter dicto Conventui, posteaque ad Provinciale mitti, qui pariter reliquis Conventibus illas notas faciat.

8. Quod si duobus ante mensibus, quam compleatur triennium literæ convocatorie Magistro Provinciali Provincie ubi habendum est Capitulum notificata non fuerint, tunc casus, & non aliter Provincialis suas literas convocatorias publicare poterit, quas si forte neuter expediat, sciant vocales se vi hujus Constitutionis esse convocatos ad Capitulum die, quo juxta supra-

delicet, ut si Vicarius Generalis Peruanus sit semel ex Provincia Castelle in sequenti vice, idem Vicarius Generalis eligendus sit ex Provincia Vandalie, & nullo modo duo Vicarii Generales Peruanus, aut novae Hispanie sibi immediate ex eadem Provincia succedant.

4. Quam primum ergo ad quamlibet suarum Provinciarum quisque de predictis Vicariis perveniat, in qualibet earum domo poterit publicare literas sui muneris quarum virtute Fratres omnes, quibus notificatae fuerint illum suscipere, & tanquam legitimo Praelato obedire teneantur: sed ut omnibus, & singulis Provinciis sui regiminis praefatae literae pateant, unum transumptum authenticum ad eas transmittat, quo pariter a singulis agnoscatur, & suscipiatur, ut verus Pastor, & Visitator earum.

5. Sed ne super potestate huiusmodi Vicariorum aliqua dubitandi rimula relinquatur, eam in omnibus esse generaliter ordinariam, Magistro tamen subditam declaramus a quo poterit limitari, si expediat sicut in multis ab his nostris Constitutionibus cohibetur.

6. Ad eos maxime pertinere decernimus visitare, & reformare praedictas Indiarum Provincias, & cum opus fuerit ad debitam observantiam reducere iuxta regulam, & Constitutiones Ordinis nostri corrigentes, & punientes excessus, transgressiones, & crimina Fratrum.

7. Ipsos etiam potestate instruimus convocandi Capitula Provincialia secundum Statuta, Constitutionum huiusmodi eorumque electiones confirmandi, irritasque faciendi in praefatis Provinciis, cum ita de jure secundum formam hic statim constituendam fieri oporteat: praecipimus tamen illis sub poena excommunicationis majoris latae sententiae, perpetuaeque privationis vocis activae, & passivae, ne unquam faciant, aut permittant se eligi in Provinciales earumdem Provinciarum, neque si elegantur consentiant, quodsi contrarium fiat, talem electionem ex nunc pro tunc ducimus inanem; Electus vero contra Constitutionem istam a Magistro, vel Diffinitorio Capituli Generalis corripatur, nullatenusque recedat impunis, sed debitis poenis cum severitate correctus.

8. Etiam si ut praemissum est huiusmodi Vicariorum officium quinquennio concludamus, ipsos tamen nolumus illud dimittere quousque successor accedat. Quare subditis eorum universis in virtute S. Obedientiae, & sub poena privationis a voce activa, & passiva praecipimus ut ab illorum obedientia sub pretextu iam adimpleti muneris, aut quinquennii, non audeant quovis modo desistere, donec alius in officio successerit. Nullus ex praedictis Vicariis Generalibus a Provinciis sibi creditis recedat quousque successor suo exactam rationem de omnibus illis, officioque reddiderit, qui vero a suis Provinciis, & officio discesserit, non reddita prius successoris sui praefata ratione repertus fuerit, voce activa, & passiva privatus maneat. Ratio autem, residentiaeque praedictae ad Magistrum Generalem deferatur, & usque dum ab isto declaretur immunis, illum ad omne Religionis officium inhabilem declaramus.

9. Ipsis iterum enixe praecipimus, ut in nulla penitus Provincia ex sibi subiectis quacumque ratione, vel causa nominare possint, mittere,

aut constituere Commissarium Generalem, aut quocumque alio nomine delegatum, sed earum regimen suis Provincialibus relinquat, quod si casus, & causa gravis accidat, quae suam praesentiam, & visitationem possit, aut tempus eas visitandi pro munere imminuat, nec ad eas accedere valeant, poterunt pro illis nominare, vel mittere Visitatorem, aut Visitatores, qui in omnibus se gerant, & observent universa, quae infra *Dist. sequenti, cap. . .* Alibi de Visitatoribus stabilitur. Si vero contra praesentem Constitutionem aliqua (ut praemittitur) nominatio contingat, nullius fore roboris declaramus.

10. Quo circa observari constitutum sanctionem iam alias memorati Capituli Generalis Opatensis a SS. Innocentio XI. confirmatam, qua praecipitur, ut instante ratione, vel causa, quibus necesse sit in praefatis Indiis Provincialis Visitatorem (ut praedicitur) institui, non possint praefati Vicarii Generales illum eligere, nisi virum auctoritate, & matura discretionem praeditum, atque gradu saltem praesentaturae insignitum. Nec item valeant huiusmodi officium, aut quodlibet aliud sive dignitatem, vel administrationem, & honorem suis conferre sociis, aut aliis quibuscumque Fratribus alienigenis, etiam si in dictis Provinciis, iam adoptione gaudeant, nisi peracto, & adimpleto integro quinquennio a die adoptionis illorum.

11. Cum autem per se, vel alium Provinciam aliquam visitaverint, non possunt ad se revocare Fratres Doctrinarios ad visitationem extra suam Doctrinam, nec ipsi ita vocati teneantur adire, sed in eisdem Doctrinis debent praedictam visitationem suscipere, & rationem praefatis Vicariis Generalibus, aut eorum Visitatoribus reddere, neque ab ipsis privari poterunt, & a Doctrinis amoveri, tam extra, quam intra visitationem, nisi praevia iustissima causa, & ea prius acta iudice. Caveat tamen Vicarius Generalis, ne unquam Doctrinarius a sua Doctrina recedat, usque dum successor adveniat.

12. Quamvis huiusmodi Vicarii Generales possint confirmare, ut praemittitur, & annullare Capitula Provincialia, & Provinciarum electiones, quae veniunt de jure cassanda, minime tamen poterunt ad hanc declarationem in iudicio procedere, nec similiter in aliis casibus suspendere, vel privare Provinciales, nisi per se tantum, & non per Visitatorem, & quidem praevia causa legitima de jure acta, & conclusa in ipsa Provincia, Provinciales privandi, aut suspendendi, sive ab electione exturbandi. Quae omnia sic rite implenda, & actuanda praecipimus, ut videlicet privatio, & annullatio electionis districtorum Provincialium semper fiat de consensu, & assensu quatuor Praelatorum, seu Diffinitorum, ejus Provinciae, ubi dictos Vicarios Generales adesse contigerit, suspensio vero de duorum, dumtaxat assensu, & non aliter.

13. Sententiam vero sub hac forma a praedictis Vicariis, & Praelatis, seu Diffinitoribus latam, plenum effectum sortiri decernimus qualibet appellatione postposita, & ne Provincia maneat orbata Praefule, continuo cum eisdem Diffinitoribus, vel Praelatis, ac de illorum assensu, & consensu, eademque forma, qua Provinciale suspendaverit, aut deposuerit, vel ejus electionem annullaverit Vicarium Provinciale pro eo substituat.

14. Cum

14. Cum autem electio Provincialis post triiduum ab aurora Sabbati adhuc discordiam patitur, itaut Electores non conveniant, vel si conveniant non sit electio canonica, tunc ad solum Magistrum, ut reliquas omnes in toto Ordine similes devolvendam esse decernimus. Ipsis tamen Vicariis, necnon praesidentibus loco illorum concedimus, ut interea per se solos Vicarium Provinciale substituant (ne Provincia maneat sine Praefule) & cum eo reliqua Capituli acta persolvant, si vero in electionibus reliquorum Officiorum, quae sunt in Diffinitorio, & Capitulo, casus devolutionis eveniant, quos alibi Magistro Praesidenti absolute subjicimus ipsi quoque Vicariis Generalibus, seu eorum loco Praesidentibus quomodolibet, sine restitutione post quatuor scrutinia committimus, ut in hac *Dist. Cap. 7.* declaramus.

15. Obeunte Provinciali absque nominatione Vicarii Provincialis, non liceat omnino praedictis Vicariis Generalibus, Vicarium Provinciale eligere, sed succedat Commendator domus Capitularis ubi statuta est proxima celebratio Provincialis Capituli, & suo Ordine Diffinitores Provinciae, aut post eos dignior Provinciae Magister dummodo praedictos nullum impedimentum adstringat.

16. Vicarii Generales Indiarum habent similiter suffragium in omnibus electionibus, & Diffinitoriis Capituli Provincialis, quotiescumque a Generali Magistro Praesidenti Capitulis, vel Praesidem nominandi facultatem acceperint, illis autem strictissime subjungimus, ut ad praefata Capitula, non alia suffragia, aut vocales admittant, nisi Constitutionibus nostris praescripta, & prout inferius *Cap. . .* hujus *Dist.* declaratur.

17. Cum autem praedicta auctoritate suffulso non valeat alicui Provinciali Capitulo interesse, ac necesse fuerit Praesidem institui, illum semper eligat graduatam virum equidem ab omni ambitu, & aliorum partibus alienum, ne vel ad se totam electionem alliciat, vel partes alterius agens Provinciam, & Capitulum dividat, & concordiam ubique desiderabilem frangat, qui mittitur zelator ejusdem. In eandem vocem in Capitulo, quam Vicarius Generalis si adesse obtineat.

18. Et ne superfluis sumptibus, & contributionibus graventur dictae Provinciae Peruanae, & novae Hispaniae, statuimus, ut in posterum pro vestiaris Magistris Generalis minime fiant contributiones ibi fieri solite, sed tam pro dictis vestiaris, quam pro sumptibus Procuratoris Generalis in Urbe, & negotiis ab eo gerendis, praesenti Constitutione delinquamus medietatem illarum contributionum, quae in dictis Provinciis sunt, & fieri consueverunt pro vestiaris Vicariorum Generalium, itaut tales exactiones, seu contributiones in duas partes aequales dividantur, quarum una mittatur Magistro Generali, altera vero Vicariis Generalibus, pro sui officii sumptibus deputetur.

19. Quibus denuo enixe praecipimus sub poena excommunicationis majoris latae sententiae, ac privationis utriusque vocis perpetuo subeundae, ut peractis suis officii praefatae rationem reddant Magistro, & deinde proximo Generali Capitulo de omnibus praedictis contributionibus, ac aliis quibuscumque bonis, quae toto sui regi-

minis tempore, tam titulo, & ratione praemis, quam quolibet officii jure receperint.

20. Ipsis tamen interdicitur ne suos, Secretarium, & socium ordinem sedendi frangere, & locum inter Fratres sibi non debitum patiantur assumere, & ne quidem de caetero pendeat a sola comitate, vel libito, perpetuo observari praecipimus. Quod si Socius, aut Secretarius cujullibet Vicarii Generalis Indiarum fuerit graduatatus suae propriae Provinciae, praesideat omnibus Magistris de numero, sitque ex Provincialibus immediatus. Si vero in sua Provincia graduatatus non fuerit, locum obtineat immediatum ante omnes Praesentatos de numero, toto videlicet tempore quo uterque praefatis muneribus respective gaudent, & solum in Provinciis ubi illa exercent, & non ultra.

## CAPUT X.

### De electione, & officio Procuratoris Generalis in Romana Curia.

1. Post electionem utriusque Vicarii Generalis Indiarum procedat Diffinitorium ad electionem seu nominationem Procuratoris Generalis in Urbe, secundum formam superiori capite declaratam per suffragia scilicet praedicti Diffinitorii, aut nominationem ab eo traditam, & compromissam Magistro. Hanc autem legi alternationis Provinciarum non adstringimus, sed undecumque sit Generalis potest dictus Procurator ex totius Ordinis Fratribus institui, prout melius ad ejus negotia judicatum fuerit expedire.

2. Hujus munus est causas omnes, negotiaque peragere, quae habuerit Ordo apud Romanam Curiam, atque ea totis viribus promovere, cui pariter jurisdictionem, & facultatem concedimus ad comprehendendum, puniendum, & corripendum omnes eos Fratres, qui sine licentia in scriptis a Magistro concessa reperti fuerint in Romana Curia, quam adire nemini licere patimur sine praedicta licentia, neque eam a Magistro concedendi, nisi cogat iusta, & urgentissima causa.

3. Huiusmodi Procurator Urbis, vir utique debet esse praestantissimus literis, & prudentia decorus, morum suavitate, sensu, & virtute praeditus, atque in rebus tractandis industrius. Huiusmodi Ordo noster provideat de sufficientibus expensis ad victum, & omnibus pariter quibus munus ejus indigeat. Non possit Generalis Magister eum abolvere, revocare, aut suspendere, nisi propter delicta, quibus ipso facto iustam de jure mereatur a dicta procuratore repulsam. Si vero post factam nominationem, tale Procuratoris officium, per mortem, renunciationem, privationem, vel alia legitima causa vacaverit, jus eum noviter eligendi penes Magistrum Ordinis maneat.

4. Is, qui per quinquennium strenue, & laudabiliter in hoc munere Procuratoris se gesserit, vocem semper habeat, tam electionum, quam decisivam in omnibus Diffinitoriis, actis, & electionibus proxime dumtaxat futuri Capituli Generalis, & si praeterea ante expletum, praedictum quinquennium sit, aut fiat Praesentatus; maneat post illud cum gradu Magistri, & cum praecedentia ad omnes, qui in sua Provincia ad talem gradum fuerint promoti post finem pra-

3. Quod si tunc temporis non sit Prior electus in prædicto Conventu, universis ejus Fratribus denunciemus ut intra spatium 24. horarum, a puncto notificationis Priorem de more constituant, quod si fecerint, vel Prior inventus, aut electus aliunde fuerit impeditus succedat Provincialis, aut Vicarius Provincialis in capite Provinciæ Capitularis ad proxime Generale Capitulum designate. His vero deficientibus, succedat Commendator domus pro eodem proxime celebrando Capitulo Generali præfixæ. Qui si etiam fuerit impeditus transeat successio ad digniorem Diffinitorem Generalem ejusdem Provinciæ Capitularis. Et his quoque impedimento contritiis, ad digniorem electorem generalem, ipsius.

4. In his autem omnibus rite, ac de jure implendis, ita Nuntius præfatus sit prudens, & industrius, ut ex singulis ante dictis, que in præfato Priore, aut aliis post illum vocatis, successione impediatur, authenticum testimonium semper accipiat, pro ut de jure opus fuerit, & illud secum deferens transeat de uno in alium, donec perveniat ad expeditum, & habilem, cui vacationem sedis, & ipsius successione in illa notam authentice faciat, ac sigilla conferat Magistratus.

5. His vero quicumque fuerit convocatis illico Fratribus illius domus ubi reperitur, & in Capitulo congregatis prædictam vacationem sedis, sique in ea successione cum omnibus testimoniis, hanc, & illam rite adstantibus manifestet, & tunc ab omnibus solemniter obedientiam accipiat coram tali nuncio, qui etiam de his postremis actibus fide dignam attestacionem recipiat, in qua, & aliis Superioribus semper notabit diligenter annum, mensem, diem & horam possessionis officii Vicarii Generalis, & notificationis ejusdem, ita ut possit omnibus constare juridice de legitimitate successione.

6. Sed cum hos omnes sui Vicariatus tempore possibile sit deficere, aut impediri canonice, ac proinde nova successione, sit opus: propterea statuimus, ut si Prior Barchinensis sit Vicarius Generalis, & aliqua causa ex prædictis deficiat simili modo, ut superius notum faciat authentice per nuncium si accidat extra Barchinonem, alioquin intra illam a Secretario præcedentis Capituli Generalis intimetur præfato Conventui, ut Fratres ejus intra periodum 24. horarum ab instanti vacationis, vel ejus notitie novum Priorem eligant, qui pariter succedat in Vicarium Generalem Ordinis, quod si non fecerint, aut electus sit etiam (ut præmittitur) impeditus tunc sumpto per nuncium, aut Secretarium prædictum authentico testimonio totius rei gesta transeat ipse, vel nuncius ad Provinciale, seu Vicarium Provinciale Provincie Capitularis, aut alium successione vocatum (ut prædicitur) ipsique notam faciat successione.

7. Si vero Vicarius Generalis deficiens non sit Prior Barchinensis, sed alius de vocatis post illum tunc pertineat prædicta successio ad primum ex omnibus prædictis, qui tunc temporis non fuerit impeditus, ita videlicet, ut a Provinciali revertatur, & secundo querat Priorem Barchinonensem, si jam ejus impedimentum cessaverit, ratione cujus transtulit ad Provinciale. Quod si ita non sit, vel Prior non eligatur

intra spatium præfatum, iterum revertatur ad successione Provincialis, aut alios suo ordine vocatos ut supra, de quibus omnibus eadem, & eodem ordine observanda intelligimus si quicumque eorum sit Vicarius Generalis, & deficiat.

8. Sic successione Magistratus in Vicarium Generalem pro tempore vacationis legitime inducta quam primum talis Vicarius literas suas patentes, tam obedientie, quam convocacionis ad Capitulum Generale celebrandum transmittat ad omnes Provincias, ad quas oportune pervenire valeant ante prædictum Capitulum, & hoc primum esse volumus sue potestatis indicium.

9. Prior itaque Barchinensis, aut ejus defectu quicumque alius de prædictis ad hanc successione assumptus, dum officio Vicarii Generalis fungitur, ita sit revera totius Ordinis Caput, ut supremam, & eandem in omnibus habeat potestatem, & vices, que inerant ipsi Magistro, ac pro inde gaudeat facultate, & auctoritate sufficienti tanquam supremum caput totius Ordinis ad confirmationem graduum, conferendam sicut ipse Magister, & prout superiori *Distinç. Cap. 6.* amplius declaratur.

10. Illi tamen nullatenus liceat aliquem ex vocalibus Capituli Generalis proxime celebrandi mutare, vel privare, aut novos eligere, neque etiam nominare Vicarium Provinciale, quod si tempore sui Vicariatus Provinciale, aut ejus Vicarium deficere contigerit succedat absolute in Vicarium Provinciale quem inferius Cap. 20. de illius successione in Vicarium ordinabimus, unde quantum ad hoc ipsi Electores quos Magister Generalis quomodocumque deficiens reliquerit, permaneant immutabiliter in ordine, itaut sit in eodem statu usque ad electionem futuram, sicut fuerat ante vacationem Sedis.

11. Insuper si tempore sui vicariatus aliquod Capitulum Provinciale obtigerit celebrandum, nec illud celebrare poterit, nec ab alio quovis modo celebrari, etiamsi compleatur triennium, sed prorogari omnino constituimus in aliam Dominicam in *Canone* proxime futuram post generale Capitulum, itaut Provincialatus ad quadriennium in hoc casu producat, ne utique in electoribus Capituli Generalis aliqua mutatio contingat, ut inferius amplius de omnibus Provinciis, & Indiarum præcipue declarabitur in hujus distinctionis Cap. 9.

12. Prior autem Barchinensis, vel ejus defectu quicumque in Vicarium Generalem successerit, si quando hujusmodi officium suscipit fuerit solum præsentatus ipso facto transeat in Magistratum, dummodo annos lecturæ pro Magisterio adimpleverit, si vero fuerit jam Magister de numero maneat post officium cum exemptionibus, & gratis exprovincialibus debitis cum præcedentia ad reliquos Magistros sue Provinciæ, & immediate sequeat post omnes Exprovinciales, qui sunt, vel pro tempore fuerint.

## CAPUT VII.

*De Vicario Magistri, & ejus potestate.*

1. Non solum in vacatione Sedis Magistri in Vicarium Generalem totius Ordinis indicimus, sed interdum etiam propter infirmitatem, aut aliud rationabile impedimentum ipsius Magistri ad

ad alios Vicarios ab eo specialiter nominandos oportet ipsi facultatem concedere, quos & in potestate debeamus instruere.

2. Statuimus ergo Magistratum si ita impeditus sit, ut Capitulo Generali, vel Provinciali interesse nequeat, unum posse idoneum, & prudentem nostrum Ordinis Fratrem sub titulo Vicarii Magistri ad Capitulum mittere cum literis opportunis suo sigillo roboratis. Cum autem fuerit in Capitulo, & illud jam sit congregatum sono cimbali, ut assolet, in vigilia ipsius prædictas literas præsentare tenetur quarum virtute accepta a vocalibus obedientia, ex tunc eandem habeat potestatem in ipso Capitulo Generali, vel Provinciali, quam ipse Magister si præsens adesset, atque eadem illi obedientia, & honor a Commendatoribus, & universis Fratribus Capituli deferantur, que ipsi Magistro exhiberentur, & quid quid per ipsum Vicarium, & Diffinitorium Generalem, vel Provinciale capituli ipso durante diffinitum, aut ordinatum fuerit roboris obtineat firmitatem. In utroque autem Capitulo semper, ut vere caput, & Præses illius primam habeat vocem in omnibus, quam primam vero præsentia ejus expraverit, eo quod succedat in manus Magister electus immediate post ipsum sequeat, in singulisque sequentibus Diffinitorii, & Capituli actibus vocem habeat usque peractus, potestas prædicti Vicarii protinus ipso facto cessabit.

3. Declaramus tamen, quod prædicti Vicarii, seu etiam Provinciales, qui in absentia Magistri Capitulo Provinciali præsentent, non gaudeant jure devolutionis quantum ad electionem Provincialis, quam in casibus infra dicendis soli Magistro concedimus, sed eis evenientibus tantummodo possit Vicarium Provinciale subrogare donec delata devolutione ad Magistratum ipse Provinciale in Provincia constituat: in reliquis autem electionibus ejusdem Capituli, & Diffinitorii Provincialis, si devolutiones eveniant, quas alibi etiam Magistro Præsidente committimus, eas quoque prædictis Vicariis aut cuilibet alteri Præsidenti concedimus, si videlicet Electores post tria scrutinia de discordia præmoniti adhuc in quarto dissideant, ne Capitulum moram patiat, vel maneat imperfectum.

## CAPUT VIII.

*De Diffinitorio Capituli Generalis, & quibus suffragiis ordine, & potestate constituatur.*

1. In Diffinitorio Generali primam semper vocem, & locum habeat Magister Generalis electus, tamquam ejus caput, & præses noviter constitutus, etiam voce gaudeat Generalis absolutus, seu quicumque ex ordine electionis præful, qui Generali electo immediatus abscedat salva Magistratus antiquitate sequantur, & vocem obtineant, qui jam in Ordine Generales extiterint. Deinde Provinciales, aut Vicarii Provinciales secundum ordinem suarum Provinciarum. Prior autem Barchinensis locum teneat post dictos Provinciales, Vicariove Provinciales immediatum, vocem attamen ante illos omnes primam habeat, postea succedat Procurator Generalis in Urbe, & tandem Diffinitores Generales, prout suarum Provinciarum antiquitas postulaverit, etiam in Diffinitorio Secretarium Generalem includimus sine voce tamen

si alioquin illa non gaudeat, ut de omnibus Diffinitionibus, Decretis, & electionibus fidem faciat.

2. Omnes itaque prædicti sunt ex quibus componitur Diffinitorium Generale, & vocem, tam electivam, quam decisivam habent in omnibus ejus actibus, & statutis, locum autem, & ordinem, quem eis designamus, etiam extra Diffinitorium in actibus pleni Capituli, vel conventualibus, & domesticis observare præcipimus.

3. Hujus autem Diffinitorii potestas cum sit suprema, & altior in Ordine vim habeat legislativam, tam directive, quam coactive super omnes ejus Fratres, & Prælatos, itaut ab ejus correctionibus, & censura nullus penitus sit immunis, unde in omnibus, & singularibus, que pro toto nostro Ordine fuerint constituenda, mutanda, vel diminuenda, laudanda, approbanda, declaranda, & confirmanda, nec non punianda, aut moderanda, dispensanda, vel indulgenda, ita se habeat Diffinitorium prædictum, ut illa omnia ordinet, constituat, vel destituat, mutet, addat, seu minuatur, laudet, approbet, & confirmet, puniat, seu etiam moderetur, dispense, vel indulgeat, & firmiter quæcumque decernat, iis tamen exceptis de quibus constitutiones extiterint à Sede Apostolica confirmata, quas nihilominus declarare poterit, & quicquid per hanc congregationem, seu diffinitorium fuerit generaliter constitutum, ordinatum, & declaratum univèrse in toto nostro Ordine observetur, & insuper vim constitutionis habeat, si per tria continua Capitula Generalia statuatur.

4. Tandem vero, ut que in Diffinitorio sunt agenda, & decernenda Deo semper auspice fiant, statuimus, ut quoties habendum sit ante omnia invocetur gratia Spiritus Sancti, & dicatur: Antiphona. *Veni Sancte Spiritus*, vel, alia de Beata Maria Virgine, ut moris est cum Versibus, & Orationibus consuetis.

## CAPUT IX.

*De Electione, Officio, & Potestate utriusque Vicarii Generalis Indiarum.*

1. Constituto Diffinitorio Generali prima electio, que ab illo assumitur est circa Vicarios Generales Indiarum, hæc enim celebratur per suffragia secreta prædicti Diffinitorii, quam tamen poterit assignare Magistro, & in illum se compromittere, ut intra, vel extra Capitulum & quoties vacatio contingat prædictos Vicarios nominet, & ut etiam a Diffinitorio, vel a se nominatos ex juxta causa, jureque servato destituat eorum regiminis metam quinquennium esse statuimus, nisi ob moram successoris, ut prorogetur necesse sit, ut ordinatur inferius.

2. Quomodocumque autem fiat electio semper debet esse præfati Vicarii ex Castella, Vandaliaque Provinciis, quarum scilicet non adoptione sed vera professione sint filii, etiamsi alterius nationis existant. Eorum quidem unus eligatur, ut visitet, & exerceat potestatem sibi traditam in Peruanis Provinciis, alter vero in iis, quas Ordo habet in nova Hispania, & Guatemala cum Insulis, & locis illi adjacentibus, & unitis.

3. Quod tamen ita faciat, ut uterque Vicarius, per vices suas eligatur alterne ex præfatis Castella, Vandaliaque Provinciis, ita videlicet

supradicta haberi debet, & in loco a Diffinitorio præcedentis Capituli designato celebrandum. Illos autem qui comparuerint aliis non expectatis ad omnes electiones, & alia necessaria, quæ in his Capitulis consueverunt fieri, & decerni sine mora procedere posse, & debere decernimus. Quibus omnibus ita robor, & firmitatem adjicimus, ac si omnes in unum convenissent, absentibus non obstantibus.

9. A die convocationis ad celebrationem Capituli usque ad ejus conclusionem in quolibet Provincia Monasterio fiat quotidie supplex ad Deum deprecatio pro felici ejus eventu, proferoque vocalium itinere uti supra in hujus dist. cap. 1. stabilitur.

10. In hujusmodi Capitulis primus de jure Præfès sit semper Magister Ordinis ubicumque possit ad illa commode accedere, & inveniri contingerit. Si autem fuerit rationabiliter impeditus, vel alia causa perurgeat, poterit ubicumque nominare Vicarium, & Præsidentem ad celebrationem cujuslibet Capituli Provincialis, quod etiam facere poterunt Vicarii Generales Indiarum juxta facultatem a Magistro concessam, ut superius præmissimus. Quod si prædicti Præsides deficiant propriis Provincialibus, seu Vicariis Provincialibus hæc munia committimus, nisi forte gubernante Vicario Provinciali a defuncto Provinciali relicto addit Provinciali (ut potest) Vicarius Generalis pro illius regimine electus juxta ea quæ superius in hac dist. cap. 5. stabilivimus in quo casu defectu Præsidis a Magistro nominati præsideat dictus Vicarius si fuerit expeditus.

## CAPUT XIV.

## De electoribus, &amp; eligendis in Capitulo Provinciali.

1. Magister Generalis, seu quisquam alius ejus loco suffectus in Præsidentem primam vocem habeat in Capitulo Provinciali. Deinde Provincialis, vel Vicarius Provincialis in capite, postea qui aliquando fuerit Magister Generalis in Ordine, Diffinitores Provinciae, omnes Magistri, & Præsentes de numero Provinciae, tam ex Cathedra, quam Prædicatione, nec non qui per Breve speciale sanctissimi a Provincia admissum hujusmodi gradus obtinuerint, cum voce, & voto in Capitulo cum hac tamen conditione, quantum ad Præsentes, quod videlicet prius in aliqua Universitate de licentia Ordinis, vel a Magistro Generali, aut Provinciali suæ Provinciae ad Baccalaureatus gradum sint promoti.

2. Etiam vocem, & suffragium habeant omnes Commendatores, seu Præsides in capite omnium Conventuum Provinciae. Deinde eodem gaudeant suffragio & voce in suis respective Provinciis Procuratores Generales Provinciae tam pro Redemptione, quam Provincia, quocirca firmiter statuimus Procuratores Generales totius Ordinis solum posse creari, & institui in præcipua curia Regnorum, quæ sunt sub uno Principe; aliter enim dicto suffragio non gaudere, ultra prædictos ab hac Constitutione vocatos, nullus Superior alios vocales instituire, vel creare possit sub utriusque vocis privatione in perpetuum, & sub nullitate Capituli. Omnes igitur prædicti Fratres tenentur venire ad Capitulum, nisi infirmitate, vel alia simili causa le-

gitime sint impediti, de qua certum faciant Capitulum per literas testimoniales.

3. Commendatores autem per tempus duorum mensium ante celebrationem Capituli Provincialis, non possint privari sua Commenda, possunt tamen ab officio suspendi, usque ad celebrationem Capituli in quo nihilominus votum, & suffragium habebunt. Qui autem eum suspenderit, Præsidentem Conventui præficiat.

4. Similiter statuimus: ut intra prædictos duos menses ante Capitulum nemo possit renuciare officio, ratione cujus habet suffragium in Capitulo sub poena inhabilitatis ad omnia Ordinis officia. Si tamen iusta de causa quis renuciaverit loco illius nominatus voce in Capitulo non gaudeat.

5. Ex vocalibus autem præfatis solum Patres Provinciae, Magistri, & Commendator Domus Capitularis Provinciae poterunt secum unum socium adducere. Cum autem vocales ad Capitulum locum accesserint, statim se in domum Capitularem recipiant, non enim eos patitur per diversa vagari; ita tamen ut ante celebrationem Capituli non de Conventus expensis, sed de suis Viaticis alantur. Caveant autem sub poena gravioris culpæ, ne sic audeant properare, ut ante tres dies domum Capitularem ingredi præveniant, nisi delicta Magistri Generalis, aut Provincialis.

6. Si vero Commendator aliquis impeditus fuerit, quominus ad Capitulum veniant Fratrem mittat aut nuncium cum literis, causam, & statum Domus continentibus Provincialis vero, aut Vicarius Provincialis, vel Visitator scripto, seu verbo accedat, semper instructus de his, quæ in suo regimine, aut visitatione reliquerit, vel digna invenerit providentia Capituli.

7. Circa eos, qui in omnibus electionibus Capituli Provincialis voce gaudent passiva, sub electionis nullitate constituimus ut qui eligendus sit in Provinciale, debet esse totius disciplinae regularis amator providus, & discretus, ac literarum ornamento conspicuus, simulque Magister, vel Præsensus illius Provinciae, & ab ea admissus, duodecimque saltem annos a professione adeptus. Deinde decernimus, ut qui jam Provincialis extiterit, aut etiam Vicarius Provincialis in capite per duos integros annos non potest eligi in Provinciale, nisi post completum officium duobus trienniis ab eo vacaverit.

8. Diffinitores Provinciae debent esse gradu Magisterii, vel Præsentaturæ insigniti, vel ad minus antiquitate 20. annorum a professione præstantes. Quo circa ut nullus serpere possit error jam antiquitatem probandam fore decernimus per authenticum testimonium, omni fide, & juris autoritate roboratum: statuentes insuper sub eadem nullitate, ut qui in præcedenti Capitulo, vel extra illud jam fuerint in Diffinitores assumpti, in proximo sequenti Capitulo de novo eligi non valeant, neque extra illud in aliorum locum substitui, donec integrum triennium elabatur.

9. Diffinitores Generales, indispensabiliter debent esse Magistri, vel Præsentes. Electores vero Generales idipsum habeant, vel ad minus 20. annos antiquitatis a professione, quam debent etiam authentico testimonio comprobare, ut Diffinitores Provinciae, sub eadem poena nulli-

## O R E M U S.

Omnipotens sempiternæ Deus, qui facis mirabilia magna solus prætende super famulum tuum Papam nostrum N. & super cunctas Congregationes sibi commissas spiritum gratiæ salutaris, & ut in veritate tibi complacere perpetuum ei rorem tue benedictionis infunde.

Prætende Domine famulis, & famulabus tuis dexteram celestis auxilii, ut te toto corde perquirant, & quæ digne postulant assequantur.

4. Post hanc deprecationem ipse Præsès aliam plane gravem, & piam Orationem instituat, in qua finem, ad quem convenerint proponat, & simul vocales omni verborum pondere ad electionem Provincialis Deo sane dignam, & Ordini profecturam hortetur. Ea autem finita Secretarius Magistri, vel alius Frater ab ipso, vel Præsede in Notarium Capituli Electus, & prævio secreti, & fidelitatis Juramento susceptus referat omnes Fratres defunctos ejus Provinciae a tempore Capituli immediate præteriti, qui semper debent esse inviolabiliter conscripti in libro Capitalorum ipsius Provinciae, & per illum legi fideliter, ipsique relatis furgent omnes, & dicant *De profundis clamavi &c. & in fine Requiem æternam &c. Kyrie eleison &c. Pater noster &c.*

ψ. Et ne nos inducas in tentationem.  
R. Sed libera nos a malo.  
ψ. A porta inferi.  
R. Erue Domine animas eorum.  
ψ. Ne tradas bestiis animas confitentes tibi.  
R. Et animas Pauperum tuorum ne obliviscaris in cinem.  
ψ. Requiescant in pace.  
R. Amen.  
ψ. Domine exaudi orationem meam.  
R. Et clamor meus ad te veniat.  
ψ. Dominus vobiscum.  
R. Et cum spiritu tuo.

## O R E M U S.

Abolve quæsumus Domine Animas famulorum tuorum Fratrum nostrorum ab omni vinculo delictorum, ut in Resurrectionis Gloria inter Sanctos, & electos tuos resuscitati respiciantur per Christum Dominum nostrum. Amen.

5. In fine autem Præsès pia exoratione commendat orationibus Provinciae animas prædictorum Fratrum, ac deinde ad censuram, vel examen, & probationem eorum, qui in tali electione vocem, & suffragium habent procedatur. Quo circa Præsès moneat ter, & præcipiat vocalibus universis sub poena excommunicationis majoris late sententiæ, ut si quem agnoverint de præsentibus aliquo juris communis, aut nostrarum Constitutionum impedimento obstructum, ob quod Capitulo interesse, aut electioni, seu electionibus suffragari nequeat, illico notum reddant. Si quis vero præfato modo reperitur impeditus, a Congregatione Capituli ejiciatur, quousque impedimentum ab ipsa mature, & sedulo discutatur, quæ si in illud invenerit, declarabit, & innodatum protinus quippe qui suffragio legitimo careat a Capitulo repellat. Qui autem de sua vocis legitimitate, & valore Canonico fuerint comprobati, & sub certo numero constituti ad futuram Electionem progrediantur.

nullitatis electionis sub qua similiter statuimus, ut qui in uno Capitulo, vel extra illud sit electus Diffinitor, aut Elector Generalis, non possit ad idem officium eligi in proximo sequenti Capitulo, possit tamen in eis alternare, ita ut fiat Elector, qui prius extitit Diffinitor & e converso. Qui tamen actu est Provinciae Diffinitor, minime potest eligi in Electorem, aut Diffinitorem Generalem. Commendatores, & Prælati locales, vel Gradum habeant, vel sexennii ad minus a Professione antiquitatem excedat, ita ut in aliqua Domus Vicaria, seu Novitiorum, Magisterio saltem per triennium simul sint probati, vel actu annos lecturæ, seu prædicationis ad gradum aliquem de justitia promoverendum a Capitulo approbatos obtineant. In eligendis vero ad cætera officia nullum aliud speciale requiritum exigimus, præter ea, quæ in suis propriis locis pro electione ipsorum agenda designamus.

## CAPUT XV.

## De prima die Capituli Provincialis, ac suffragiorum ejus regulatione.

1. Primam diem Capituli appellamus feriam 6. ante Sabbatum ad electionem Provincialis designatum. In mane ergo dictæ feriæ sextæ hora quasi nona Commendator domus Capituli cimbalum Conventus pulsari faciat in signum inchoationis Capituli, ut intelligatur ex eo jam apertum esse, & inceptum, ac deinceps vocales non possit egredi domo Capitulari, usque dum fiat Provincialis electio. Electores autem ad prædictum signum Conventualiter congregati accedant simul ad præsentiam Magistri, vel Vicarii Generalis ab eo nominati, & horum defectu Provincialis, ut se illi in Capituli formam exhibeant, a quo etiam ex eo tempore revera suscipiantur, ut tales cum benignitate, & amore. Si vero adsit Præsès missus ejus literæ a Secretario Provinciae in hac ipsa Capitulari Congregatione legantur, & ut talis ex inde suscipiatur ab omnibus.

2. Sic autem inchoato, & aperto Capitulo, illius Præsès constituat unum Fratrem ex vocalibus virum prudentem, discretum, & sollicitum, qui sit Vicarius ejusdem Capituli, sine cuius licentia nemo Fratrum audeat egredi a Monasterio, simulque diligenter provideat, ut nullus maneat extra illud.

3. Eodem die ad vesperam omnes vocales congregentur in Capitulo, ibique Præsès Commendationem faciat pro Domino Papa, pro Rege, pro Benefactoribus Ordinis, pro fidelibus captivis, & pro felici statu Ecclesiæ, super quibus enixe debet injungere vocalibus, ut in suis semper obsecrationibus prædictorum memoriam repetant, ac brevi oratione præmissa furgat Præsès, & incipiat Psalmum. *Ad te levavi ut supra Distinct. 3. cap. 15. deinde Kyrie eleison, Christe eleison, Kyrie eleison, Pater noster &c.*

ψ. Et ne nos inducas in tentationem.  
R. Sed libera nos a malo.  
ψ. Oremus pro Domino Papa.  
R. Dominus conservet eum, & Beatum faciat eum in terra, & non tradat eum in animam inimicorum ejus.  
ψ. Salvos fac servos tuos & ancillas tuas.  
R. Deus meus sperantes in te.

6. Si quæ sint literæ Apostolicæ, seu Regales ad Capitulum directæ, hæc coram toto Capitulo ab ejus Secretario referantur, & legantur. Idem fiat de iis, quas Magister miserit, aut Vicarius Generalis, si forte Capitulo non adfuerint. Aliæ vero literæ, vel Epistolæ, si Fratrum Ordinis fuerint, majori Religione commodo, & utilitati providentium Diffinitorio referentur. Si autem sint commendatitiæ a quocumque tam intra, quam extra Ordinem expedite nulla ratione apertantur quousque finiatur Capitulum.

## CAPUT XVI.

De secunda die Capitali Provincialis, ac de Provinciali, aliisque hac die eligendis.

1. Diem secundam Provincialis Capitali dicimus Sabbatum ad electionem agendam destinatum: in eo quidem omnes vocales ad Auroram signo cimbali convocati simul ingrediantur Capitulum, & statim dicetur Missa Spiritus Sancti, quem omnes interea humiliter exorent, ut eis ostendat quem elegerit ne in humana ipsi electione displiceant. Hanc autem Missam in omnibus Provincia Dombus pariter eadem ipsius Sabbati hora cantandam esse decernimus. Illa vero peracta in Capitulo omnes genuflexi invocent Spiritus Sancti gratiam, Cantantes hymnum *Veni Creator Spiritus &c. ut supra Dist. 4. cap. 3. in cuius fine surgat Præses, & dicat.*

¶ Emitte Spiritum tuum Domine, & creabuntur.

¶ Et renovabis faciem terræ.

¶ Dominus vobiscum,

¶ Et cum Spiritu tuo.

## O R E M U S.

Deus qui corda fidelium Sancti Spiritus illuminatione docuisti: nobis in eodem Spiritu recta sperare, & de ejus semper consolatione gaudere.

2. Deinde vocalibus suo Ordine sedentibus fiat concio, quam literariam dicimus, sermo ne latino, ut est moris in Ordine, qua similiter præmoneatur digniorem Fratrem in Provinciam ita eligere, ut electio sit Deo acceptabilis, & majori bono Provincia profutura. Ea vero finita Præses Capitali primo, secundo, & tertio moneat pridie sub præcepto, & sententia excommunicationis ut omnes (si qui sint) de jure prohibiti, a præsentis electione recedant, vel ut eos denunciarent, quicumque tales adesse sciant. Quo circa debet Magister, aut Præses protestari universis nullam sibi profecto incidere mentem aliquem ex prædictis ad electiones suscipiendi. Si qui forte occulte se immiserint & impedimenta celaverint, non propterea eorum vox illegitima præjudicium aliquod inducat electioni futura.

3. Postea singuli Electores, & Vocales suo ordine accedant juraturi in manibus Præsidis per Deum, & Crucem, & Sancta Dei Evangelia propriis manibus tacta, videlicet sub hac forma: Præses eos interrogat dicens: Juras, quod omni odio, vel amore postpositis, eliges in Provinciam Fratrem Ordinis, & Provincie nostre, qui ad minus duodecim annos integros professionis obtineat, & virum sane Religiosum, providum, & prudentem, atque etiam Doctrina commendabilem, & vel Magistrum, vel Præsentatum ab Ordine, & Provincia admissum, & qui denique

tuo iudicio dignior appareat, & tam in spiritualibus, quam etiam temporalibus præstantius Provinciam moderetur, & diligat? Elector autem respondeat: Juro.

4. Hoc ergo juramento sic præfatio sit statim coram Præside vas aliquod preparatum in quod vota, seu schedula secreto mittantur, ita tamen, ut mittentes eas, & vas ab omnibus videantur. Postquam vero prædictas schedulas & vota omnia in vas præfatum intulerint: tunc Præses cum duobus Diffinitoribus Provincia dignioribus, & Secretario Capitali vota omnia computent, & scrutentur & si major pars medietate eligentium (juxta omnia in Magistri electione tradita) in aliquo Fratre convenerit, tunc scrutinium publicetur, & denunciatur electio ut Canonica, & Secretario Capitali, qui fidem de omnibus præstabit in scriptis. Si autem major pars eligentium non convenerit, secundo, tertio, & quoties opus fuerit ad scrutinium procedatur, donec major pars medietate eligentium conveniat, Canonice evadat electio.

5. Si autem Electores intra triduum a primo ingressu ad Auroram Sabbati jam prædicti de persona eligenda non conveniant, aut electio in eodem triduo non emergat Canonica, & legitima; tunc jus eligendi devolvatur ad solum Magistrum Generalem, qui statim si sit præses per se solum debet Provinciam eligere. Si vero sit absens Præses Capitali certiore reddat Magistrum de devolutionis eventu, & interim nominet per se Vicarium Provinciale, cum quo prosequatur, & concludat Capitulum qui, & Provinciam gubernabit, donec Magister Provinciam elegerit. Verum si electio litigiosa fuerit, & non satis aperte irrita, etiam si fiat intra triduum mittatur similiter ad Magistrum, a quo iudicium pariter expectetur & interea Provincialis electus non destituatur officio, sed habeatur ut talis usque ad declarationem Magistri.

6. Si vero contingat (ut superius etiam prædictum circa electionem Magistri) ut in aliqua schedula seu suffragio scrutatores reperiant aliquam subscriptionem, aut signum, quo deveniatur in cognitionem eligentis, vel sit omnino alba, aut in favorem inepti conscripta, non ideo præjudicium inferat electioni, sed talis schedula quæcumque sit comparetur ab aliis, & pro suffragio nulla reputetur, solumque habeatur respectus ad reliquas schedulas, juxta majorem partem omnium vocalium.

7. Semper numerentur schedula antequam legantur, & si una vel plures supra vocalium numero repertæ fuerint, omnes simul separentur, & relicto priori ut proffus inani ad aliud scrutinium procedatur. Tandem vero cum jam eo scrutinio, & præfatis schedulis legitima electio deprehensa fuerit, omnes illæ protinus comburantur coram omnibus in ipso Capitulo ita ut nulla de quocumque scrutinio maneat. Si numerus suffragiorum sit impar, servetur ad electionem Canonicam idem quod in electione Magistri cap. 4. hujus dist. ordinatum manet.

8. Peracta igitur electione, & a Secretario publicata Capitulo ante quam ab eo suscipiatur electus obedientiam debet se sistere Præsidis, ibique per Deum, & Crucem & Sancta Dei Evangelia suis manibus tacta Juramentum sequens genuflexus elicere. Præses enim illum sic interrogat. Juras, quod secundum Deum, & propriam

conscientiam, & juxta Constitutiones Ordinis Provinciam tibi commissam gubernabis omni odio, & amore postpositis? Electus autem respondeat: Juro. Præses insuper: Juras quod eris obediens Magistro Generali Ordinis, & successoribus ejus, & quod fideliter, & omni studio, curam, & sollicitudinem ages circa Redemptionem Captivorum, ejusque elemosynas colligendas? Electus vero: Juro, Ulterius Præses: Juras, quod de omnibus, quæ receptoris, quovis modo, in Diffinitorio rationem reddes, neque relaxationem hujus juramenti, aut dispensationem in aliquo a Sede Apostolica postulabis? Electus vero: Juro.

9. Hoc itaque sic dato Juramento, omnes surgant, & a Capitulo processionaliter egredientes ad Ecclesiam procedant cantantes Hymnum: *Tu Deum*. Ubi profratus Provincialis Electus Benedictionem suscipiat a Præside eadem forma, quam supra in hac Dist. cap. 4. retulimus. Eaque finita Fratres ad illum suo ordine accedant, genuflexique ei obedientiam exhibeant.

10. Si autem persona electa fuerit absens a Provincia, potest Magister Generalis, vel Præses de consilio Diffinitorum nominare Vicarium Provinciale ad regimen Provincie, & ad Diffinitorii, & Capitali munia gerenda, cum omnimoda facultate Vicariis Provincialibus per Constitutionem concessa, quem Provincialis Electus revocare non poterit, neque alterum de novo nominare, usque dum suam Provinciam ingrediatur. Si autem non a Provincia, sed solum a Capitulo sit absens, Nuntius mittatur ad ipsum, qui ex parte Præsidis, & ipsius Capitali notam faciat illi authentico testimonio electionem, quam si acceptaverit, eo mature possit accedere ad Capitulum ante conclusionem illius, eo quam primum se conferat, ubi omnia prædicta cum ipso fiant. Si autem venire nequeat in ipso Conventu ubi adest (absens vero a Provincia in prima sue Provinciae domo) prædictum faciat Juramentum in manibus Commendatoris, & cantato Hymno *Tu Deum*: præfatisque Benedictione, & orationibus super ipsum a Commendatore recitatis accipiat obedientiam a Fratribus.

11. Quod si munus, & electionem declinaverit, & solutum sit jam Capitulum, res deferatur Magistro, qui, vel admissionem electo jubeat, vel Provinciale Provincie per se ipsum provideat. Si tamen id accidat in remotis, valdeque distitis Provinciis a residentia Magistri, & quæ per Vicarios Generales gubernantur, debet ab ipsis interim constitui Vicarius Provincialis, usque ad deliberationem Magistri; ne tam longo tempore Provincia suo Præsule maneat viduata.

12. Electio Provincialis intra Hispaniam debet præsentari Magistro Generali intra sexaginta dies, alias sit irrita, & vana, & Magister Generalis tenetur illam confirmare, si Canonice, & juxta formam Constitutionum facta sit, quod si renuerit illam confirmare, causas, & defectus Canonicos erga electionem, vel personam electam manifestare debet. Provincie autem Gallie, & Italie intra tempus quatuor mensium tenentur præsentare coram Magistro Generali, electionem sui Provincialis; quod si intra dictum tempus illam non præsentaverit, electio sit irrita, & nulla; Provinciales vero Indiarum a Vicario

Generali, & postea a Magistro ordinis confirmationem petant.

13. Quandocumque autem nullitas electionis fuerit a Magistro declaranda, aut Provincialis alioquin ex causa legitima deponendus, nunquam id faciat per alium, sed per se ipsum, & de consensu, & assensu quatuor ex dignioribus Magistris ejus Provincie ubi reperitur, quod si tantum fuerit suspendendus, duo tantum ex prædictis sufficiant.

14. De Vicariis autem Generalibus, & quibusdam aliis, qui hujusmodi Capitulo in absentia Magistri præsideant, quam, & qualiter facultatem habent in prædictis, & aliis jam respective in propriis locis hujus Dist. superius ordinatum relinquatur, & in sequentibus statuetur.

15. Completa electione Provincialis, quam primum fieri possit ad electionem Diffinitorum Provincia transeat Capitulum: hos quatuor in unaquaque Provincia constitui decernimus, viros equidem discretionem, ac zelo ad majorem Provincie utilitatem bonumque præstantes, & conditiones cap. 14. hujus Dist. habentes, quos eadem forma scilicet per suffragia secreta, & a toto Capitulo eligendos esse constituimus, itaut in electo major pars medietate eligentium convenire debeat, servarique omnia quæ de aliis electionibus superius sæpe decrevimus.

16. In ipsorum electione si post trina scrutinia vocales admoniti, adhuc in quarto dissideant, jus eligendi migrabit in præsidem; novis autem Diffinitoribus electis Priores subito expirant, & eorum locum recentes assumant, illicque ad eum, qui alias ad ipsos attinet statim revertantur. Ex quibus si forsitan aliquis non graduatus exierit, nullam amplius vocem, aut ingressum habeat in aliquo actu Capitali cum jam ad illud nulla alia ratione pertineat.

17. Quicumque autem in Diffinitorem sit quovis modo creatus, sequens Juramentum super tacta Evangelia facere debet in manibus Præsidis Diffinitorii, vel Capitali, qui sic illum interroget: Juras quod secundum Deum, & propriam conscientiam, atque omni odio, & amore postpositis, quæ tui sunt muneris exequeris, & non personarum sed in omnibus solus Ordinis, & Provincie bono prospicies? Ipse vero Diffinitor respondeat: Juro.

18. Post præfatum Diffinitorum Provincie electionem procedat immediate Capitulum ad Diffinitores, & Electores Generales eadem forma creandos, viros quidem prudentia, & Religione præditos, atque etiam conditionibus ut superius cap. 14. hujus dist. declaratis in his autem electionibus si post tria scrutinia Electores admoniti ulterius in quarto non conveniant vis eligendi transeat ad Præsidentem illius Capitali.

19. Cum aliquis Diffinitorii Generalis officium denuo susceperit jurare debet in manibus Præsidis Diffinitorii, suis Evangelis superpositis, quæ sequuntur. Juras (inquit Præses) quod secundum Deum, & propriam conscientiam atque omni cordis affectione posthabita, omnes tui muneris actus, totis viribus implere conaberis, & nunquam in rebus decernendis ejus personarum acceptor, sed solus boni totius Ordinis, & regularis Discipline Zelator? Diffinitor autem: Juro.

20. Denique ab eodem pleno Capitulo nominentur Judices causarum, & examinatores